

# PROKLAMASIE

## CG de Braniemeekers

Leef Vastelaovesvrienden!



Indelik heet de kanselierjraad miech 't vertrouwe gegeve  
Jaore hōb iech gehoop dat de kääs op miech veel, mèr zaot steeds deneve  
Noe iech de vraag neet mie verwachde  
Lees iech ouch de surpris in eur gedachte.



'T Sloope vaan de kerrek in Nazareth ging wie 'nne trein  
Wat res is e groet look, dat vinde de luij neet zoe fijn  
Ze goon noe beginne mèt apparteminte te bouwe  
Dit is toch wat de luij in Nazareth gere wouwe.



Iech dōrf 't bijnao neet te rope  
Kump de nuijbouw achter de sjaol d'r noe wel of neet, dat is toch bezope  
Nao jaore wachte geit noe indelik de sjöp in de grond  
Ouch al is alles door de crisis nog gaaroet neet rond



Uzze Stadsingel heet al hiel gèt metamorfoses gehad  
Loup mèr hei door de zaol en beloert uuch dat  
De Braniemeekers hōbbe hei get sjieks vaan gemaak wie geer zeet  
Zoe'ne hoftempel heet zellevers Zjer in Bulgarije nog neet.



De Braniemeekers zien e wiekend nao Duitsland gewees  
De reis waar neet veur ederein e fees  
Eine vaan us meinde dat ste neet op de spoore moos lette  
Heidoor kos heer pas saoves laat ziech bijj us aon 't beer zette.



In Nazareth heet 't Noedkèrkske mote wieke  
'T nuij Buurtcentrum is klaor, dat maag geer 'ns goon bekieke  
Of de aofwerreking good genug is, dat zal de tied liere  
Want d'r kump nogal gèt meziek en geluid door alle roete en kiere.



De spooreuvergaank zal de optoch neet mie in de weeg stoon  
Want straks zalle veer d'r onderdoor moote goon  
Daan weurt uzze sjeffäör neet mie door de slaagbuim gevaange  
Noe mèr hope tot heer neet mèt de optochwagel in de tunnel bleif haange.



Aon al dat gewawwel kump noe 'n int  
'T weurt tied tot vastelaovendviere begint  
Mèt miech es Ingelbewaorder, zjus wie vreuger  
Zal iech Uuch veurgoon op de klaanke vaan:  
**“ Hei hōb iech alles veur euver ! ”**



GEGEVE TE LUMMEL, 17 JANNEWARI 2010, DOOR:

**FACTEURRICUS, SIKKRETARICUS, ORGANISATICUS**

PRINS **Marcel 1e**

